

Sos pronòmenes personales sugetu

Personal pronouns - subject

Sos pronòmenes personales si impreant in parte de su nòmene. Sos pronòmenes personales sugetu si impreant pro identificare chie faghet un'atzione.

Es.: **Paul is Scottish. He is 24 years old.** = Pàulu est iscotzesu. Tenet 24 annos.

persona	INGLESU	SARDU	NOTA
1 [^] singulare	I	deo	Cheret semper iscritu in litera manna
2 [^] singulare	you	tue	
3 [^] singulare	he	issu	Pronòmene maschile impreadu pro sas persones
3 [^] singulare	she	issa	Pronòmene femminile impreadu pro sas persones
3 [^] singulare	it	Issu/issa	Pronòmene nètru impreadu pro animales o cosas
1 [^] plurale	we	nois	
2 [^] plurale	you	bois	Est uguale a sa 2 [^] persona singulare
3 [^] plurale	they	Issos/issas	Impreadu pro su maschile e su femminile de persones, animales e cosas.

Sas frases in inglesu tenent semper su sugetu.

Pro nàrrere, in sardu sa coniugatzione de su verbu **andare** est: deo **ando**, tue **andas**, issa/ u **andat**, nois **andamus**, bois **andades**, issos **andant**. In inglesu est I **go**, you **go**, he/she/ it **goes**, we **go**, you **go**, they **go**. Sa coniugatzione de sos verbos in inglesu no est vària comente in sardu e dae sos verbos ebbia non si cumprendet su sugetu chie est. Pro cussu sas frases in inglesu cherent semper su sugetu.